



SILA
ANORIP INUA



ANORI ANORLERNERALU
NUNARSUARMI SILAP PISSUSAA-
NIK PILERSITSISARPUT PINNGORTITA-
MIK SUNNIISARTUMIK. ANORIP INUATA
PINNGORTITAMI UKIUP QANOQ ILINERI
QULAKKEERTARPAI AAMMALU
NUKISSAMIK PILERSITSISARLUNI
AAMMA PINNGORTITAP PAARSISUI
ALLAT IKIORSINNAALLUGIT.

QUPPERNERIT TULLINI **SILA PILLUGU**
OQALUTTUAQ TUSASSAVAT
– PHEEW! TUSARNAARLUASSAVAT, TAANNA
PIKKORISSORUJUSSUUVOO!





SILA, ANORIP INUA

Inuat arfinillit meeqqanit marlunnit suaerneqareerneranni ullualunnguit qaangiuttut Sila kangerluk sikorasaartoq qu-laallugu timmilluni takkuppoq. Sikualuit tungujortut qaqortullu ammuinnaq isiginnaarpai, aammalu seqernup qinngorneri kissartut sungaartut, upernalerneranut nalunaquaasut, malugalugit. Seqernup kissarnera malugeqqissinnaagamiuk naammagisimaarpaa, tassami nammineq upernalerner aallartippaa. Silap ukiup qanoq ilineri aquppai, aammalu ukuusarnera, upernartarnera, aasartarnera ukialertarneralu qulakteertarlugit.

Upernaluni ullaannguaq taanna kangerluk qulaakkamiuk iluarismaarpaa ullaorlu nuannisarfugalugu. Imaq tungujorpoq, anniktsunik qaqortunik pujorasaarpoq akornannilu qilak tungutsorilluni. Putsut nuutsilaarniarlugit anoraanguaq aallartippaa, aammalu sinerissami nuna pujorunaarnerani seqernup qinngornerinit qaamasumik sungaartimilu qalipaateqalersillugu. Sila ulloq taanna naammagisimaartorujussuuvoq, isumaqarlunilu piffissami kingullerigut anorip aqunniarnera ingerlalluarterujussuusimasoq.

Qeqertannguamut mippoq. Qeqertaq ivigaqarluni, issuatsiaqarluni orpigaqarlunilu qorsuuvooq aammalu qaarsutut qasertuulluni timmiarpassuaqarlunilu. Mitit ilumoor-saartumik isikkullit, qaqortunik meqqullit aammalu angutivissat qorsummik tunusoqartut. Aamma assigiinnngitsunik naajaqarpooq, nilliasorujussuupput taamaakkaluartoq inussiarnerlutik nuannaarlutillu – oqaatigisarpaat taakkua silaannarmi timmillaqqinnerpaajusut. Qeqertami sumi tamani timmissat minngapput ulluminni aammalu maninnik piarassaminnik ivallutik. Ulloq nuannerluinnarpooq, timmissallu qeqertamiittut mannimminnik ivanissaminnut, nerisassarpassuarnik nerinissaminnut aammalu anoraanguanilu timminissaminnut piffissap taamaalinera iluarusuutigaat.



Tassanngaannaq naajaq arnaviaq angisooq sukkasooru-jussuulluni takkuppoq qeqertamullu milluni. Annilaarsi-marpasippoq erserpasillunilu, naak inussiarnerpasillunilu utoqqalilaarsimarpasikkaluarluni. Nilliasorujussuuvoq naajat pisarnerattut aammalu Sila aarlerisorujussuan-ngorpoq. Taamaattumik miteq ullumini ivasoq aperaa susoqarsimanersoq? Miteq inussiarnisaarlunilu oqaluk-kumasartooq erserpasippoq aammalu naajat akornanni tassanngaannaq uivertoqalernera tupallaatigalugu.

Sila oqaluttuuppaa anorersuarmut tunngasoorpasittooq. Maannakkut anorersualissagaluarpat tamanna pitsaanngitsorujussuusussaasoq miteq aamma oqaluttuarpooq, pissutigalugu ulluminniillutik manniminnik ivanissaq ajornakusuulertussaammat. Sooq maannakkut aamma anorersualissanersoq Silap apeqqutigaa, tassami aasalerpoq? Miteq ivasoq akivoq ukiuni kingullerni ukiup taamaalinerani anorersuartarnera akulikilliartuinnarsimasoq. Nunap kissatsikkiartuinnarnera aammalu anorimik oqimaaqati-giikkunaarsitsinera tamatumunnga pissutaasoq mitip tusarsimavaa.

Kissatsikkiartulerosimasoq anorilu oqimaaqatigiikkunnaarsimasoq tusarlugu Sila tupaallatorujussuuvooq, misigivoru tamanna qanoq iliuuseqarfigisariaqarlugu. Tassami taamaakkaluartoq nammineq Silaavoq. Aallaqqaammut miteq aperaa sooq kissatsikkiartulerosimanersoq anorilu oqimaaqatigiikkunnaarsimanersoq. Miteq akivoq nammineq tamanna nalullugu, kisianni tulugatoqaq qeqertap tulliani najugaqartoq, taassumalu tamanna nalunngikkaa.

Sila tuaviinnaq qeqertap tulliani tulugatoqaq ornippaa. Qeqertaq siulianiit qaserneruvoq, naasoqarpianngilaq, aammalu tulugatoqqap saniatigut allanik tamaani najugaqartoqarani. Suna nassuaatissaasimassanersoq taakunnarluni aqqutaa tamaat anorip inuata eqqarsati-gaa.





Qeqertamut apuukkami tulugatoqaq aperaa sooq kissatsikkiartulersimanersoq anorilu oqimaaqtigikkunnaarsimanersoq. Tuluatoqaq sinippasilaarluni arriitsumik aammalu iggiarlulluni akivoq inuit, taakkua atugaat benziina, pujoorferujussuit, taakkua maskinarujussuit nipiliortut atugaat tamatumunnga pissutaasut. Inuit illuminnik kissaanissamut, biiliminnik ingerlaarnissamut aammalu maskinaminik nipiliortunik atuinissaminnut benzinamik atuineri tamaasa silap pissusia CO₂-mik taagorneqartumik mingutsinneqartarpooq. Tamanna kissakkiaortitsivoq anorilu oqimaaqtigikkunnaarsillugu. Tulugaq taamatut oqareerluni sinileqqipooq.

Inuit aamma aarlerinersut Silap tulugaq aperaa, kisan ni tulugaq sinilivissimarpasippoq. Taamaattumik Sila assamminik imermik qalusivoq taannalu tulugatoqqap niaquanut seqqartillugu. Tulugaq niaqqumi imermik seqqartikkami paatsiveerutilaarluni iterpoq, aperalunilu maannakkut siallernersoq. Silap tulugaq illaatigaa apeq qutinilu uteqqillugu, inuit aarlerinersut? Tulugaq akivoq inuit aamma aarlerisorujussuusut, kisianni qanoq iliornisartik suli paasilluarsimannngikkaat. Taamaattumik meeqgat inuiat arfinillit taakkua pinngortitap anersaavaniit niusillugit suaartarsimamasigit qujanartorujussuovoq.

Sila suli annertunerusunik paasisaqarusukkaluarpoq, kisianni naamasinnaavaa siallernialersoq aammalu anorersuaq aggersoq. Qeqertami siullermi timmissat manni navianartorsiulissangippata ingerlaqqittariaqalerpoq. Kangerluk qulaaterujussuarlugu qangattarpooq aammalu anorersuaq ungasissorujussuarmiittoq takusinnaalerlugu. Anorersuup tungaanut pisinnaasani tamaat timmivoq. Silaannaq nillertoq siutimini malugisinnaavaa aammalu taama sukkatigisumik timminermini isai immapput. Anorersuup sinaa tikikkamiuk anorip nukissui tamaasa atorlugit akiorniarsarilerpaa. Anorersuup tungaanut silaannaq kialaartoq supoortippaa, anorersuaq suaarpaa eqqissequllugu.

Ullut arlallit anorersuup sinaani sorsuppoq uneritsinniar-saralugu. Ullut pingasut qaangiunneranni anorersuaq qasukkaamivoq. Sila qasusorujussuovoq aammalu kiisami timmissat qeqertaannut meqqissinnaalerluni, tassani mitit naajallu tamarmik qujamasuttorujussuupput. Ullut marlussuit eqqissisimaareerluni Sila Pinngortitap Paarsisui allat ornillugit aallarpooq, oqaluttuuppaalu qanoq misigisaqrsimanerluni. Taakkua tamarmik maannakkut paasivaat iliuuseqartariaqarlutik. Kissatsikkiartuinnassanngilaaq, aammalu Pinngortitap Paarsisuisa tamatuma unitsinnisaanut inuit ikiorniarlugit periaassisssarsiniartariaqarput.






NUNARSUAQ TAMAKKERLUGU ANGUNIAKKAT:

NUNARSUARMI ANGUNIAKKAT



NUNARSUARMI ANGUNIAKKAT 13 silap pissusaata allanngoriartorneranut tunngassuteqarpoq. Oqaaseq qanoq isumaqarnersoq, uagut inuit qanoq iliorsinnaanersugut, benziinamut taarsiullugu erngup, seqernup imaluunniit anorip nukinga atorlugu, oqaluuserisiuk. Sammisassanut atuagaqqami sammisassat takusigit imaluunniit Silap timmissat oqaluukkai imaluunniit anorersuarmik akiuiniarluni ilungersortoq pinnguarluarisi.



**NUNARSUARMI ANGUNIAKKAT
KORTIT BAMSIP KARSIANIITTUT
QAQIKKIT AAMMALU NUNARSUARMI
ANGUNIAGAQ MATUMA SIULIANI
TAANEQARTOQ OQALUUSERALUGU**



**13 SILAP PISSUSIA
SULINIUTEQAR-
FIGALUGU**

